



9. November 2023

UKA2023/78

**Ajoqusernemi kingunerlutsitsineq pillugu apeqquteqaat aallaavigalugu oqallisissiatut siunnersuut.**

*(Inatsisartunut ilaasortaq Najaaraq Møller, Siumut)*

Siullermik sammisaq pingaaruteqartoq pillugu oqallinnissamik siunnersuuteqartoq, Najaaraq Møller, Siumup qutsavigerusuppa.

Siullermik Siumup malugianiarpaa oqallissaarisup, aallartinnermini assut malunnartumik meeqqat eqqugaasartut annertuumik eqqartorai. Tamannalu assut Siumumit qutsatigaarput, taamatut suliuniutinik ersarissaaneq ukiorpassuarni ingerlaneqarnera TUSAANNGA, aqqutigalugu. Nalunaarsuinerit pingaarutillit kisitsisaatigut atorneqarnerat. Pisussaaffiliivoq meeqqat ukiorpassuarni, oqaluttarfikkut eqqartorneqareersullu Kalaallit Nunaanni meeqqat pisinnaatitaaffii pillugit sullissivik upernaakkut 2012-imi pilersinneqarpoq.

Tamannalu inuiaat siumut pingaarutilimmik alloriarnerannik assut, takussutissatut isigisariaqartoq Siumut isumaqarpoq. Taamaakkaluartorli iliuutsigut maani, nunatsinni annertuumik tarnimikkut anniaatsillit aamma artorsaatillit milliartunngillat. Nunat alla qiviaraanni soorlu, Islandimi periutsit assingusinnaasunik nalaattaqarsimasunik misilittagartuupput. Uunga assingusumik Islandimi politikkerit misilittaatisaasa ilagaat, suliassaqarnertik nassuerutigaat oqarlutik, naalakkersuisut kisimik suliniuteqarsinnaanngillat. Kisialli innuttaasut peqataasariaqartut, peqataanissaat eqqaamallugu Islandimi ingerlariaaseq qinigaat tassaavoq innuttaasut qitiutinneqarlutik oqartussaanerat.

Innuttaasut qinersiinnaratik, kisialli akissussaaffimmik tigusillutik suliniuteqartarmata. Nuna sanilerput qanoq assingutigisumik unammilligassanik nalaataqarnikoq, qanoq iliuusaat uagutsinnut tulluarsarlugit ila ilanngullugu ilinniartigisariaqarparput. Tarnikkut artorsaatit uatsitoqqissaaq nalaassimavaat; imigassaappat, ikiaroorartuuppat, meeqqanut sumiginnaaneruppat uatsitoqqissaaq aqqusaarsimavaat.

Pisussaaffiliinikkut inuiaqatigiit, katsorsaariaatsit atorlugit ingerlatsinermikkut iluarseeqatigiittut. Allaat iminnut toquttoqartarnera millisinnikuuat aamma ilinniartitaanikkut tapiissutit inunnut suliniutilinnut atonerullugit. Siumut isumaqarpoq aqqutissaq taanna isumassarsiorfigalugu pissutsit allanngorluinnarnissaat alloriartigisariaqaleripput.

Qanoq iluartigissava ulluinnarsiutigalugu sumi tamani makku periarfissaalerpata:

- Arnat ikorfatoqatigiit,
- Angutit oqaloqatigiittarfiat,
- Najorti – DET FORENING GRØNLANDSKE BØRN,



- Allarpassuillu.

Uani Pavia Nielsen, Siumukkormioqatitta oqaasia ilanngukkusuppara ima oqarami:

MEERANNGUANUT SUMIGINNAANEQ, QUPALORAARSUNNGUAQ ULLUMINI,  
TUKERARTORAANGAMI PIAQQANI, PILERSORTAPAI PINNGORAQQULLUGIT.

QUPALORAARSUNNGUULLUUNNIIT, INUUNERA INULERSIMAGUTSIGU, TUPINNATORUSSUVOQ.

Taamatut naatsumik oqaaseqarluta oqallissaarisog, Najaaraq Møller, assut qamuuna  
qutsavigerusupparput.

**Oqallilluarisi.**

Dines Mikaelson  
Siumut